

攝大乘論釋卷第十

敬十

世親菩薩造隋天竺三藏達摩笈多譯

論曰此諸佛法身爲說差別爲說無差別依止意用及業無異故不可說差別無量正覺故有差別如法身受用身亦尔意用及業不異故無差別依止有差別無量依止轉故變化身亦如受用身應知

釋曰無量依止轉故者諸菩薩有無量依止由此受用身顯現故是故意用及業無差別然身事有差別於中意用無差別者謂安樂一切衆生意應知業無差別者謂顯示證正覺般涅槃等業此業無別應知

論曰應知法身與幾功德相應與最清淨四無量解脫勝處一切處無諍願智四辯六通三十二大丈夫相八十種好四一切種清淨十力四無畏三不護三念處無忘失法拔除習氣大悲十八不共佛法一切種勝智等相應此中有偈

憐愍諸衆生 捨離結縛意 不捨安樂心  
歸命利益意 解脫一切障 牟尼勝世間  
智遍滿尔炎 歸命解脫心 能滅諸衆生  
一切惑無餘 惑者共歸去 歸命離惑人  
無功用無著 無障礙寂靜 常解一切難  
歸命釋難者 所依及能依 說言及說智  
意常無障礙 彌常無障礙  
行往還出離 知彼諸衆生  
諸衆生見佛 緣彼大人相  
歸命生信者 但見得生信  
三昧智自在 勢持住處捨  
及大乘出離 變化及變易  
能說智及斷 方便歸依淨  
出離障礙事 障隔諸衆生  
歸命自他利 歸命到彼岸  
無護無忘失 彌常無障礙  
所作不過時 無非圓智業  
行住一切處 所作常不虛  
歸命實義者 歸命無忘失  
於晝夜六時 一切時徧知  
觀察諸世間

與大悲相應 彌歸命利益意 修行及證得  
智慧與作業 勝一切二乘 彌歸命最勝者  
三身大菩提 具得一切種 彌歸命斷衆生  
一切處疑惑 無畏無過失 無濁無住處  
於諸法無動 彌歸命無戲論  
諸佛法身與如是等功德相應復有自性 因  
敬十

二

果業相應行事等功德是故諸佛法身是無  
上功德應知此中有偈

成就最勝義 出過一切地 至諸衆生上  
解脫諸衆生 無盡無等德 相應世間見  
衆輪亦不見 一切天人等  
釋曰法身與如是等功德相應復有自性 因  
果業相應行事等功德者於中法身自性者  
以成就最勝義顯示成就最勝義者謂清淨  
真如此是佛自性故因者顯示出過一切地  
謂以修一切地得彼佛體故至諸衆生上者  
此顯示果顯此果在一切衆生上故解脫諸  
衆生者此顯示業佛是救脫一切衆生故相

應者無盡無等功德相應以此顯示於中出  
間見者謂見化身故諸大衆輪見者謂見受  
用身故此等諸天人亦不見者謂此諸大衆  
輪不見性身此等顯示佛身行事差別  
論曰然此諸佛法身甚深最甚深此甚深云  
何可見此中有偈

諸佛不生生 無住處為處 諸事無功用  
受用第四食 無差別無量 無數量一業  
不動及動業 諸佛三身具 無有證正覺  
非不一切覺 念念不可量 有非有所顯  
無欲無離欲 而亦與欲俱 既知欲非欲  
得入欲法如 諸佛過諸陰 而亦住陰中  
敬十

三

與彼不一異 不捨而寂滅 諸佛同事業  
猶如大海水 我已現當作 他利無是思  
諸罪者不見 如破器中月 普遍一切世  
法光猶如日 或顯示正覺 或涅槃如火  
不生亦不有 如來常住身 佛於非正法  
人及惡趣中 於非梵行法 自住最勝者

行於一切處 而亦無所行 一切衆生見  
然非六根境 伏斷諸煩惱 如呪制諸毒  
以惑至惑盡 佛具一切智 煩惱即菩提  
生死寂滅體 有大方便故 如來不思議  
此即是十二種甚深應知所謂生成業住甚  
深安立數業甚深正徧覺甚深離欲甚深滅

陰甚深成熟甚深顯現甚深顯示正徧覺般  
涅槃甚深住甚深顯示自體甚深滅煩惱甚  
深不思議甚深

釋曰今當顯示大乘甚深即是顯示十二種  
甚深於中生成業住等甚深以一偈顯示諸  
佛不生生者此顯生甚深諸佛以不生爲生  
故無住處爲處者此顯成長甚深諸佛不住  
生死涅槃處故所作無功用者此顯業甚深  
諸佛以平等爲業由無功用故所作之業一  
切處平等受用第四食者此顯住甚深由四  
種食是不淨身依止住處諸佛非不淨身依  
止住處由段等四食是欲界衆生不清淨身

依止而住故淨不淨身依止住處者謂色無  
色界衆生此等於下地煩惱則淨於上地煩  
惱則不淨此諸淨不淨身唯有觸意思識等  
三食離於段食彼身得住彼身唯以三食得  
住故淨身住持者即是段等四食於聲聞緣  
覺等此等淨身若住於世由此住持故示現

住持者即彼段等四食示現即以此住持故  
諸佛食之此爲第四由示現以此爲住持故  
諸佛世尊得受衆生所施令生歡喜積聚福  
德故無有食事復有說言諸佛食時諸天接  
取施餘衆生以此因緣令彼衆生當得菩提  
故此等一偈同一甚深又諸佛生相有十因  
敬十

緣應知一愚癡別異故二種種別異故三攝  
持自在故四住自在故五捨自在故六無二  
相故七唯影像故八如幻故九無住爲住故  
十雲義成就故有十因緣故如來不住生死  
涅槃應知一非知故二非滅故三非有故四  
非有自性智故五無得無分別故六離心故

七得心故八平等心故九不得於物故十非不得故有十因緣故諸佛無功用而佛事成就一滅離故二無依止故三應作無功用故四作者無功用故五作業無功用故六無所有無功用故七本昔無差別故八所作究竟故九作事未究竟故十由熟修一切法中自在故有十因緣諸佛受用於食一示現以食住持身故二令諸衆生聚集福德故三爲示現同衆生作故四爲令順學正食故五爲令順學知足故六爲令他發起精進故七爲成熟善根故八爲顯示自身無染著故九爲住持尊重業故十爲圓滿本願故

次顯示安立數業甚深偈無差別無量者此是安立甚深於中無差別者法身無別異故無量者無量身諸菩提故無數量一業者此是數甚深乘雖無量諸佛一業故不動及動業諸佛三身具者諸佛雖三身相應然受用身業則牢住化身業則不牢住此即是甚深

敬十

五

故次顯示證正覺甚深偈無有證正覺者人及法無所有故非不一切覺者由假名說一切覺故此正覺云何偈言念念中無量以此顯示由於念念中無量人得正覺故有非有所顯者此顯真如於諸有非有爲義故次顯離欲甚深偈無欲無離欲者欲無所有故無所染既無染故亦無離何以故欲若是有可有離欲故而亦與欲俱者由唯斷上心欲留隨眠欲故若不留隨眠欲即同聲聞入涅槃故既知欲非欲得入欲法如者謂欲分別中了知非欲即入欲法真如故

次顯示滅陰甚深偈諸佛過諸陰而亦住陰中者謂已過色等五取聚但住於無所得法如聚中故與彼不一異者佛已捨彼分別聚然與彼非異以即住彼法如中故又非不異由雖是化身分別即成清淨境界故不捨而寂滅者謂不捨真實性聚即是涅槃故次顯成熟甚深偈諸佛同事業者謂佛作業

平等皆爲成熟衆生故此何所似猶如大海水如水入海爲魚鼈等受用如是既入法界同爲成熟衆生故我已現當作他利無是思者無有一念惟我於三時利益衆生然似摩尼天樂無有功用而作衆生利益事故次顯示顯現甚深偈若世間不見諸佛又說

諸佛是常住身旣有常住身何故不見偈言諸罪者不見如破器中月故如器破水則不住以水不住故月則不現如是諸衆生等無有奢摩他滋潤故佛月不現水譬三摩提體滋潤故普偏一切壯法光猶如日者雖不見佛示爲作佛事由說修多羅等法猶如日光以此爲佛事亦於世間得成熟衆生

次顯示正偏覺般涅槃甚深偈或顯示正覺或涅槃如火者或示正偏覺或示般涅槃其事如火譬如火或時然或時滅諸佛亦余或有衆生應以涅槃成熟即示涅槃應以正覺成熟即示正覺爲解脫故如火性不異唯

微十

六

一法身亦尙應如是知餘半偈義可解

次顯住甚深偈佛於非正法人及惡趣中於非梵行法自住最勝者自體最勝住亦最勝住於聖住故此中聖住者謂住於空故天住者謂住禪那故梵住者謂住慈等四無量故非正法者謂諸不善法諸佛於諸不善法中

住於空住是故佛住聖住於人道及惡趣衆生攀緣而住入於禪那是爲天住於非梵行法中自體最勝住如是等空住者即是自體次顯示自體甚深偈行於一切處而亦無所行者後得智於善不善等中差別智生若無分別智即無所行化身於一切處行非餘身也第二義中一切衆生見者謂即此化身一切處得見故然非六根境者即此化身若爲地獄衆生所見時爲教化彼故生於彼處非化身自性彼地獄衆生見時謂即是地獄身是故非彼地獄等衆生六根境界

次顯示滅煩惱甚深偈伏斷諸煩惱如呪制諸

毒者謂現行煩惱在菩薩位時不斷煩惱由有隨眠惑在如呪制諸毒者譬如被毒呪力制之則不爲害煩惱亦尔以智知故則不爲惱以惑至惑盡者謂以留隨眠惑故不同聲聞入般涅槃佛具一切智者謂諸佛煩惱盡時即得一切智具故

敬十

七

次顯不思議甚深偈此等煩惱即是彼菩薩分是集諦故生死等苦諦即是涅槃故如來一切所說皆不可思議如前所說三種因緣謂唯自證知等非思量境界

論曰諸菩薩念佛法身以幾種念而念略說諸菩薩修習念佛有七種一諸佛於一切法得自在應如是修習念佛於一切世界得無障礙神通智故此中有偈

障礙及闕因 衆生界普偏 二種決定故二如來身常住真如無間離垢故三如來最無譏嫌離一切煩惱障智障故四如來無功

用無有功用而不捨一切佛事故五如來大受用清淨佛土爲大受用故六如來無染汙生在世間不爲一切世法所染故七如來大義利顯示證正覺入涅槃等未成熟衆生而成熟之已成熟者而解脫之此中有偈  
隨逐於自心 常具淨相應 無復諸功用施與大法樂 無依止遍行 平等於多人一切一切佛 智人如是念

釋曰諸菩薩若念諸佛法身如七相修念今當顯示此修義於中於一切法得自在者以神通故於一切法得自在由諸佛於一切世界中得無障礙神通非如聲聞等有障礙故若諸佛於一切法得自在者何故一切衆生不得涅槃此義以偈顯示有因緣故不能令得涅槃故說障礙及闕因等偈此中障礙者由業障等所礙故雖無量諸佛不能令其得涅槃是故諸佛於彼衆生無有如上自在闕因者謂無涅槃法性此爲闕因由無彼性故

二種決定故者決定有二種一作業決定二受報決定然於此二種決定諸佛無有自在於中報障者謂癡鈍等應知受報決定者謂決定趣地獄等報及受報有此差別常住身者即是真如無間離垢此如常住以此爲身故名如來常住身也如來大受用者諸如來

敬十

八

等即以清淨佛刹爲大受用應知大義利者諸佛大義利體謂成熟解脫未成熟衆生以菩提涅槃而成熟之故應知餘四相念佛義可解此七種念佛更以二偈顯示隨逐於自心等偈中說七相成就諸菩薩最初念諸佛果報皆隨逐自心此亦即是常淨相應者謂善是故最無譏嫌無功用者以無功用作諸佛事故施與大法樂者即是清淨佛土應知無依止徧行者若有依止作行則苦是故諸佛無所依止而行教化以如是故利益多人論曰復次云何應知諸佛刹土清淨相如百

千偈修多羅菩薩藏緣起中說婆伽婆住於最勝光明七寶莊嚴故放大光明普照無量世界故住於無量妙莊飾處故周圓無限故超過三界行處故出世上上善根所生故最清淨自在識相故如來住持故諸大菩薩所住故無量天龍夜叉乾闥婆阿脩羅迦樓羅察那羅摩睺羅伽人非人等所行故大法味悅樂所持故安住一切衆生一切利益事故離一切煩惱逼迫故離一切魔故勝過一切莊嚴如來莊嚴住持故大念慧行出生故大奢摩他毗鉢舍那爲乘故大空無相無願入處故無量功德衆莊嚴大寶蓮華王所建立

敬十

九

故遊於大宮殿中故如是等句顯清淨佛刹所謂色類具足相貌具足量具足方所具足因其足果具足主具足助伴具足眷屬具足住持具足業具足順攝具足無畏具足住止具足道路具足乘具足門具足依持具足故如是等皆得顯現又彼清淨佛刹中所有果

報一向淨妙一向樂一向無嫌一向自在

釋曰如百千偈修多羅緣起中說佛刹清淨  
彼清淨佛刹以何等勝功德顯示前二句顯  
色具足謂七寶等七寶中金銀琉璃珊瑚馬  
腦並是石所攝末羅羯多<sub>玉之綠色</sub><sup>綠色</sup>類亦是石所  
攝應知赤寶者謂赤真珠從赤亟所出由於

中出珠故此珠寶於一切寶中最勝故光明  
照無量世界者即前所說七寶出生光明故  
此是色具足第二句次一句顯莊嚴具足次  
一句顯量具足次一句顯方所具足此等以  
何爲因出世無分別及彼出世無分別後得  
二種善根所生諸善爲因此即是因具足此  
亦有一句次一句顯果具足彼佛刹中以最  
清淨識自在轉爲相故次一句顯主具足次  
一句顯伴具足次一句顯眷屬具足於此眷  
屬具足中所言摩睺羅伽亦攝在龍中於淨  
土中若能住持身此是住持具足亦以一句  
顯示以此爲食已復作何業但成就一切衆

生一切利益事亦以一句顯示順攝具足由  
淨土中無煩惱無苦故亦以一句顯示彼中  
無有怨對之怖由無魔故於彼佛土中無陰  
魔煩惱魔死魔天子魔是故無有怖畏此一  
句即是無畏具足次一句顯住處具足復以  
何道得入彼清淨佛刹於大乘中聞思修智  
爲體即是大念慧行如其次第此一句顯示  
道具足以何爲乘乘於奢摩他毗鉢舍那而  
趣於彼此一句顯乘具足以何門得入彼土  
謂於大乘中空無相無願爲門故此一句顯  
門具足次一句顯依持具足猶如大地以風  
輪爲依持彼清淨佛土以何爲依持以無量  
功德大寶蓮華爲依持此句顯依持具足彼  
<sub>故十</sub>淨土中果報一向淨妙者由彼中無有糞穢  
等不淨物故一向樂者彼中唯有樂受無有  
苦及無記等受一向無嫌者於彼中無有不  
善及無記故一向自在者以自心力不待因  
緣故

論曰復次此諸佛法界一切時有五業應知  
一救護一切衆生逼惱中業謂聲盲狂等逼  
惱唯見即得救護故二救護惡道業從不善  
處拔出安置善處故三救護非方便業外道  
等以非方便求於解脫開悟安置於佛正教  
中故四救護我見業爲令超過三界教示以  
道故五救護乘業謂發行餘乘諸菩薩及不  
定性聲聞等安立令修行大乘故此五種業  
是一切諸佛平等業應知此中說偈  
因依事念行 別故業有異 世間有此異  
導師無彼別

釋曰諸佛法界者即是法身彼有五業應知  
救護一切衆生逼惱業者由見佛故盲等即  
得眼等故救護惡道業者此業爲救護惡道  
故謂於不善處移諸衆生置於善處故救護  
我見業者說超過三界道名爲救護世間名  
爲三界即說此爲我見餘二句義可解此等  
五業是一切諸佛平等業應知此等義以偈

敬十

士

顯示若諸佛平等業世間衆生不平等業此  
等因緣以因緣以因緣以因依事念行等一偈顯示  
於世間中因異由地獄因別人天因別乃至  
餓鬼因別是故業有異依異者由依止身別  
異故作業有異事異者或有興生或種田此  
等業由此等事異故世間業體異念異者念  
名意欲由此意欲異故世間業亦有異行異  
者即是有爲行由所作有爲行業異故名爲  
異誰有此異偈言世間有此異故導師無彼  
別者諸佛一切作事無復功用則無因等五  
異是故諸佛作業無有差別故

論曰如是諸佛法身功德具足相應不與聲  
聞辟支佛共若余者以何意故說一乘此中  
有偈

爲引攝一分 及安住餘者 於此不定性  
說正覺一乘 法無我解脫 等故性不同  
得二意涅槃 究竟唯 一乘  
釋曰此二偈顯說一乘意爲引攝一分者諸

不定性聲聞爲引入大乘故云何令彼不定性人於大乘中而般涅槃故及安住餘者不定性菩薩爲令彼安住大乘云何令彼不退捨大乘於聲聞乘而般涅槃爲此義故佛說一乘不定性二句義可解法無我解脫一偈此中顯別意說一乘何者別意法平等故無我平等故解脫平等故於中法平等者法即是真如此如平等一切聲聞等同趣彼如故名爲乘以平等故名一乘無我平等者無有人我既無人我仍言此是聲聞此是菩薩者不應道理由依此無我意故說爲一乘解脫平等者聲聞等亦同解脫煩惱依此意故說

爲一乘何以故由世尊說解脫與解脫等無有各各相故性別者由根性有差別故於乘不決定性聲聞亦得成佛由此意故說爲一乘二意得者得二種意故平等意者由一切衆生一體攝故我即是彼彼即是我也如是攝已此得正覺即是彼得正覺依此意故說爲

敬十

十二

一乘第二意者如法華經中爲聲聞授記得此意故謂但得諸佛法如平等意不得法身由得此平等意故作如是念諸佛法如即是我等法如也復有別義於彼大衆中有諸菩薩與諸聲聞同名授記得涅槃如佛說我念過去無量百千數於聲聞乘般涅槃由此意故說一乘以見諸衆生應以聲聞乘而調伏者現於彼般涅槃故究竟者此即是一乘以究竟無有別趣故然有差別以聲聞乘等異於佛乘由此意故世尊說爲一乘

論曰如是一切諸佛同一法身而有多佛此以何因緣可見此中有偈

一界無有二 一時多成就 次第非道理  
故成有多佛

釋曰由此因緣一切諸佛平等法身或一或多應須了知次當顯示於中應知一者法界平等故諸佛以此爲體由法界平等故諸佛是一應知復次應知一者於一時一世界中

無有二佛並出故是故唯一應知復次若多  
若一如偈中顯示所謂一界等一界無有二  
者此一句顯示一義謂於一世界中無有二  
佛並出世故餘句顯示衆多佛一時多成就  
者於一時中有無量諸菩薩同修資糧成滿  
此等若已福智資糧成滿而不得佛果此等

敬十

十三

資糧則爲虛棄由有衆多菩薩同修資糧成  
滿故有多佛應知次第非道理者無有次第  
得正覺義若修善提資糧時待次第成滿可  
得證正覺時亦有次第然由衆多菩薩修資  
糧無有次第故證正覺時亦無次第是故有  
衆多佛

論曰於法身中諸佛非畢竟涅槃非非畢竟

涅槃云何可見此中有偈

解脫一切障 所作未究竟 佛畢竟涅槃

亦不般涅槃

釋曰復有別部師說諸佛無有畢竟涅槃有  
別部聲聞乘人則言有畢竟涅槃有如是等

二意以偈顯示解脫一切障等者於中若解  
脫煩惱障智障由此意故言諸佛畢竟涅槃  
由所作事未畢竟未成熟者成熟之已成熟  
者解脫之應作此等事由此意故不畢竟涅  
槃若異於此則同聲聞涅槃由畢竟涅槃故  
所作誓願便則無果

論曰何故受用身不即如是成自性身有六  
因緣故一色身顯示故二無量大衆輪中差  
別顯示故三隨彼欲樂應現自體不定顯示  
故四隨異異顯現自體變動顯示故五菩薩  
聲聞天等種種大衆和雜處和雜顯示故六  
阿梨耶識及生起識等轉依不相應顯示故

是故受用身非自性身義成

釋曰今次顯示由此道理故自性身不成受  
用身一色身顯示者諸佛色身非即法身由  
所見色非即法身故是故受用身不是法身  
又此受用身有差別諸佛大衆輪差別故法  
身則無如是差別由此道理不相應故受用

身不成自性身又隨其所欲現受用身故如修多羅說有人見佛黃色有人見佛青色如是等具說受用身則有如是等體相不定若言自性身體性有不定則不應道理自性身由有如此不相應故非受用身即自性身又復受用身有一衆生初見餘色後即於彼身

徵十古

復見餘色若法身自性動異則不相應是故受用身不成自性身又復受用身常與天等諸衆和雜自性身如是和雜則不相應是故受用身不即自性身又復由阿梨耶識轉依已即自性身若即此自性身是受用身者生起識轉依已復得何身是故受用身不即自性身由此六種不相應故不得成一

論曰何因緣故化身亦非自性身有八因緣故一諸菩薩從父遠已來得不退三摩提於兜率天及人中生不成故二於宿命書筭數印工巧雜論等及受用欲行中無智不成故三已知邪說正說法教而往詣外道所不成故四善知三乘道而行苦行不成故五捨萬億闍浮洲於一處證正覺轉法輪不成故六若離如是顯示證正覺等方便其餘皆以化身作佛事者則應於兜率天中證正覺七何不於一切閻浮洲中平等佛出既不如是以無阿含及道理可證八與一世界中無二如來出世不相違以有衆多化佛故言一世界者是一四洲世界如無二轉輪王並出此中有偈

諸佛微細化 平等入多胎 一切種正覺

爲顯現受生

釋曰今次顯自性身即是變化身不相應義

徵十十五

有八種不相應於中初不相應者諸菩薩從父遠無量劫來得不退三摩提尚不生於兜率陀等諸天中況復人間是故世間所見是化身非自性身復次諸菩薩已得宿命智而不知書筭等事者無有道理是故化身爲教化衆生故應作此事復次菩薩於三阿僧祇

劫修行時不知正說邪說云何於最後證正

覺時乃能知也是故化身非自性身復次捨萬億闍浮洲唯於一處證正覺轉法輪不應道理若化身得成由於一切處同時現化是故化身非自性身若言但一處證正覺餘處顯示化身攝眷屬者何故不即於兜率陀天中住證正覺於一切四洲中示現化身也若言一切四洲中不證正覺者此義不成以無有阿含及道理證說於一佛刹中隨於一四洲中不證正覺若汝言若余者與修多羅相違何以故以經說無二佛並出者應知彼經中所說以轉輪王爲喻如無二轉輪王並出者此說於一四洲中無並出非一佛刹也二佛不並出亦余所言世界者謂一四洲也此佛不並出亦余所言世界者謂一四洲也此中有偈顯示正覺諸佛微細化等即是其義佛於住兜率陀天宮時若下入胎即於彼時若與上座舍利弗等眷屬俱者應知彼等皆是化所施設如是施設已即得顯示於一切

### 相中證正覺

論曰爲一切衆生故發願及修行成大菩提畢竟涅槃不應道理發願及修行無果報是過失故

釋曰此中顯示畢竟涅槃不成義諸佛爲一切衆生故發大誓願及修行既作如是利衆

生意已隨諸衆生利益事作之若於畢竟涅槃中而般涅槃彼願及行便爲無果若汝言如來法身常住者受用身及化身無常云何名常身今成就此義故

論曰受用身化身二身無常云何言如來身常住依止常住法身故受用身變化身此二

十六身受報不捨故數數化現故如常受樂如常施食佛身常住應如是知

釋曰二身是常由依止常住法身故此二身是常復次受用身者不捨受用故是常化身者常顯示證正覺般涅槃等相續不斷故是常於此二身以譬喻顯示其常如世間言常

受樂非即得無間樂而得名爲常受樂又如

言此人常施食非即是常施有時不施故然  
得名爲常施食者二身常義亦尔

論曰有六因緣故諸佛世尊化身不畢竟住  
一所作究竟謂已成熟解脫衆生故二爲轉  
樂欲涅槃意令求常住佛身故三爲轉於佛  
所起循修意令於甚深法正說中生覺了故  
四爲生渴仰意若數見生無厭足故五爲生  
自精進由知說者不可得故六爲令得極速  
成熟自起精進不捨重輒故此中有偈

所作事究竟 轉彼寂滅欲 爲轉輕佛意  
令生渴仰心 爲發自精進 令其速成熟  
是故佛化身 非畢竟住者

諸佛法身雖無始時無量爲得彼故不應不  
策勤也此中有偈

佛得無異無量因 衆生於此捨精進

此得一切非因果 如是因斷無道理

阿毗達磨大乘修多羅中攝大乘品解釋竟

阿闍梨阿僧伽造

釋曰此中有難若法身無始時無差別無限  
量以是故堪能利益衆生者何須爲此故勤  
精進也爲遮彼難故以偈顯示彼諸佛所得  
無異無量以此爲因應起正勤是故言諸佛  
無始時者一切有過何以故此得於一切時  
不成因過失故如此斷因無有道理諸菩薩  
大悲在心憐愍一切衆生猶如一子於利益  
衆生事中餘人自作非我所爲此不應道理  
餘人作與不作我皆爲之應當如是攝大乘  
釋論於大乘部中制述無量勝論者阿闍梨  
婆數槃豆造竟

攝大乘論釋卷第十

土末

敬十

羯多上居謂反 正之類也

婆數下音 像象